

आकाशवाणी

- प्रधानमंत्री नरेन्द्र मोदी होंरें जापान दे प्रधानमंत्री शिगेरु इशिबा हुंदे नै टोक्यो च शिखर वार्ता च दौनें मुल्खें मझाटै रणीतिक, आर्थिक ते प्रद्योगिक सहयोग बधाने पर सहमति जताई ऐ।
- भारत दा असल सकल घरेलू उत्पाद GDP माली बरे 2025-26 दी अप्रैल-जून तिमाही च 7 इशारिया 8 फीसद दी दर कन्ने बदने दी मेद ऐ।
- उत्तराखंड, हिमाचल, पंजाब ते तेलंगाना च भारी बरखें ते हाई दी मारें हेठ आए दे इलाकें च पुर्नबहाली आला कम्म जोरे-शोरें नै जारी ऐ।
- मौसम विभाग नै अगले 5एं दिनें दौरान उत्तर पश्चिमी भारत च भारी बरखे दा सिलसिला जारी रौहने दी पेशगोई कीती ऐ।
- भारत नै 2030 दी Common Wealth खेड्डें दी मेजबानी लेई आधिकारिक प्रस्ताव पेश कीता।
- ते फुटबाल च SAFF Under -17 प्रतियोगिता च भारत नै नेपाल गी 5 सिफर कन्ने हराइयै खिताब पक्का करी लैता ऐ।

<><><><><><>

PM –Indo Japan Summit

प्रधानमंत्री नरेन्द्र मोदी ते जापान दे प्रधानमंत्री शिगेरु इशिबा होंरें दौनें मुल्खें मझाटै रणनीतिक, आर्थिक ते प्रद्योगिक सहयोग बधाने दी इक दाहके दी व्यापक कार्य-योजना तय करी लैती ऐ। दौनें नेताएं कल टोक्यो च शिखर वार्ता मगरा एह घोषणा कीती।

सोशल मीडिया पोस्ट च प्रधानमंत्री मोदी होरें आक्खेया जे 15में भारत-जापान सालाना शिखर सम्मेलन दौरान उनें ते प्रधानमंत्री इशिबा होरें दपक्खिया सरबंधें दे सब्भनैं पहलुएं दी समीक्षा कीती ते विशेष रणनीतिक ते वैश्विक भागीदारी मजबूत करने पर सहमति जताई ऐ। शिखर वार्ता मगरा संवाददाता सम्मेलन च, प्रधानमंत्री मोदी होरें आक्खेया जे अगले दाहके दी कार्य-योजना च निवेश, नवाचार, पर्यावरण, प्रोद्योगिकी, सेहत, लोकें बश्कार राबता ते अत्याधुनिक भागीदारी दे क्षेत्रें पर बशेष रूपे नैं ध्यान केन्द्रित कीता जाग। मोदी होरें आक्खेया जे दौनों देसैं अगले 10एं बरे च जापान कोला भारत च 100 खरब Yen निवेश दा लक्ष्य रक्खेया ऐ। दवैं मुख्य लौहके ते दर्मयाने दर्जे दे उद्यमें ते स्टार्ट-अप उद्यमें पर बी वशेष ध्यान देगंन। Artificial Intelligence, Semi Conductor, पर्यावरण ते सेहत क्षेत्रें च सहयोग बधाया जाग। उनें जापान दी कम्पनियें गी “Make in India”, “Make for the World” यानि भारत च विश्व लेई विनिर्माण दा आग्रह कीता ऐ। प्रधानमंत्री मोदी होरें चन्द्रयान-5 मिशन लेई, भारत अंतरिक्ष अनुसंधान संगठन ते जापान Aerospace Exploration Agency बश्कार समझौते पर बी स्वागत कीता ऐ। तुंआई जापान दे प्रधानमंत्री होरें भारत दे वैश्विक प्रभाव दी सराहना कीती ते जापान दी अर्थव्यवस्था च, कुशल भारतीय हुनर दा मते कोला मता योगदान दा आह्वान कीता ऐ।

<><><><><><>

SCO

शंघाई सहयोग संगठन राष्ट्राध्यक्ष परिषद दी 25मीं बैठक कल चीन च शुरु होग। प्रधानमंत्री नरेन्द्र मोदी 2 दिन दे शिखर सम्मेलन च वैश्विक नेताएं कन्नै उच्च स्तरीय विचार-विमर्श च शामिल होगंन।

एह सम्मेलन वैश्विक प्रशासन च नमैं मानकें गी आकार देने च महत्वै आहली भूमिका निभाग ते सदस्य मुखें च क्षेत्रिय सुरक्षा, सम्पर्क, लगातार ते टिकाऊ विकास ते इक जुटता बदाने पर केन्द्रीत होग।

<><><><><><>

Putin India Visit

रुस दे राष्ट्रपति व्लादिमीर पुतिन इस बरे दिसम्बर च भारत दी आधिकारिक यात्रा पर औगंन। अमरीका आसेया लागू टैरिफ बश्कार भारत ते रुस बश्कार सहयोग बदा रदा ऐ। रुस दे विदेश नीति सलाहकार यूरी उशाकोव होरें मास्को च संवाददाताएं गी दस्सेया जे रुस दे राष्ट्रपति चीन च प्रधानमंत्री नरेन्द्र मोदी हुंदे कन्नै बैठक दौरान दिसम्बर दी यात्रा सरबन्धी तयारियें पर चर्चा करगंन। चीन च शंघाई सहयोग संगठन सम्मेलन सोया बक्ख दौनै नेताएं बश्कार सोमावार गी बैठक होग। रुसी राष्ट्रपति हुंदी यात्रा रुस थवां तेल खरीदने पर अमरीका दे राष्ट्रपति डोनाल्ड ट्रम्प हुंदे आसेया भारत पर टैरिफ लाने दी घोषणा दे बाद होआ रदी ऐ।

<><><><><><>

GDP

भारत दा असल सकल घरेलु उत्पाद GDP माली बरे 2025-26 दी अप्रैल-जून तिमाही च 7 इशारिया 8 फीसद दी दर कन्नै बदने दी मेद ऐ, जेड़ा तिमाहियें च सब्भनै थवां मता ऐ। पिछ्छले माली बरे च GDP 7 इशारिया 4 फीसद ही, जिसलै कि पिछ्छले माली बरे दी पैहली तिमाही च एह 6 इशारिया 5 फीसद ही। सांख्यिकी ते कार्यक्रम दी अमलावरी सरबन्धी मंत्रालय आस्सेया जारी आंकड़े मूजब नॉमिनल GDP च 8 इशारिया 8 फीसद दा बाद्दा होआ।

<><><><><><>

Amit Shah Mumbai

केन्द्रीय गृहमंत्री अमित शाह कल संजा गणेशोत्सव च शामिल होने लेई दंऊ दिनें दे दौरें पर मुम्बई पुज्जे। शाह होर महोत्सव च प्रसिद्ध गणेश पंडाल “लालबाग का राजा” दे दर्शन करगंन। ओह बांद्रा ते अंधेरी इलाके च किश होरनें गणेश पंडाले दा बी दौरा करगंन। अपनी यात्रा दौरान अमित शाह होर महाराष्ट्र दे मुखमंत्री Devendra Fadnavis हुंदे नै मलाटी करगंन ते राज्य दी मौजूदा रणनीतिक स्थिति, जारी मराठा प्रदर्शन ते मकामी निकाय चुनाव लेई भारतीय जनता पार्टी दी तयारियें पर चर्चा करगंन। मेद ऐ जे गृहमंत्री होर महाराष्ट्र दे उपमुखमंत्री एकनाथ शिंदे नै बी मलाटी करी सकदे न।

<><><><><><>

Uttrakhand-Punjab-HP-Telegana-Floods

उत्तराखंड च बरखे ते लाहस-पस्सियां पौने करी प्रभावित जिलें च सामान्य स्थिति बहाल करने दे जतन जारी न। उत्तरकाशी, रुद्रप्रयाग, बागेश्वर ते Tehri च बड़डे पैमाने पर राहत ते बचाव अभियान चलाए जा रदे न। रुद्रप्रयाग, चमोली ते बागेश्वर जिले च कल तेज बरखे करी 5 लोकें दी मौत होई गई ते 11 लोक लापता न। तोंआई पंजाब च भारी बरखें कारण सतलुज, व्यास ते रावी दरेयाएं दा जलस्तर बढ़ने कन्नै केई जिलें हाई दी मारै हेठ आई गेदे न। पहाड़ी क्षेत्रें च बड़ी मात्रा च पानी औने कारण पूरे राज्य दे केई हेठले इलाकें पानी च डुब्बी गे न। प्रभावित क्षेत्रें च राहत ते बचाव कम्म जारी न। सेना, राष्ट्रीय आपदा मोचन बल, SDRF, पंजाब पुलिस ते केई स्वयंसेवी संगठन राहत ते बचा कम्मे च लगगे दे न। इससै चाली हिमाचल प्रदेश च बी भारी बरखें दा सिलसिला लगातार जारी ऐ जेहदे नै आम जनजीवन बुरी चाली प्रभावित होआ ऐ।

राज्य च भारी बरखे दे चलदे 2 राष्ट्रीय उच्च मार्गे ते 914 सिङ्कां गड्डियें दी आओ-जाई लेई बंद न। चम्बा जिले च मणिमहेश यात्रा आले रस्ते पर फसें दे श्रद्धालुएं गी सुरक्षित कड्डने आस्तै कार्य युद्ध स्तर पर जारी ऐ।

<><><><><><>

IMD Weather

मौसम विभाग नै तटीय कर्नाटक, हिमाचल प्रदेश, पंजाब ते उत्तराखंड च बक्ख-बक्ख थाहरें पर अज्ज तेज बरखा पौने दी संभावना जाहिर कीती ऐ। पूर्वोत्तर, बिहार, राजस्थान, गुजरात, दिल्ली, मध्य प्रदेश, महाराष्ट्र ते दक्खन भारत दे किश हिस्सें च बी अज्ज तेज बरखा पेई सकदी ऐ। अंडमान निकोबार द्वीप समूह बिहार, जम्मू-कश्मीर, लद्दाख, गिलगित बाल्तिस्तान, मुजफ्फराबाद, झारखंड, ओडिशा, तेलंगाना, पच्छिम बंगाल ते सिक्किम च बक्ख-बक्ख थाहरें पर अज्ज गरज कन्नै बरखा पौने दा अनुमान ऐ। मौसम विभाग नै आक्खेया ऐ जे उत्तर-पच्छिम भारत दी किश थाहरें पर अगले 5 दिनें दौरान तेज बरखा जारी रौहने दी संभावना ऐ। हिमाचल प्रदेश च कल तगर ते उत्तराखंड च 2 सितम्बर तगर किश थाहरें पर तेज बरखा होई सकदी ऐ।

<><><><><><>

India Common Wealth Games

भारत नै 2030 दी राष्ट्रमंडल खेड्डां यानि Common Wealth Games दी मेजबानी लेई आधिकारिक प्रस्ताव पेश कीता ऐ। एहदे शा पैहले भारत नै 2010 दी राष्ट्रमंडल खेड्डें दा आयोजन कीता हा। भारतीय राष्ट्रमंडल खेड्ड संघ ते गुजरात सरकार दे प्रतिनिधित्व च कल लंदन च राष्ट्रमंडल खेड्ड महासंघ दे अध्यक्ष डाक्टर डॉनल्ड रुकारे होरें गी औपचारिक प्रस्ताव पेश कीता गया, इस प्रस्ताव च अहमदाबाद गी राष्ट्रमंडल खेड्डें दे 100में आयोजन लेई, मेजबान शैहरें दे रुपै च दिता गया ऐ।

भारतीय ओलम्पिक संघ दिया अध्यक्ष P.T. Usha होरें आक्खेया जे एह प्रस्ताव पूरे देसै दी इच्छाएं दी अगुवाई करदा ऐ ते एह वचार साहड़ी खेड्ड संस्कृति गी दर्शादा ऐ।

<><><><><><>

UNSC Peace keeping

संयुक्त राष्ट्र सुरक्षा परिषद नै लेबनान च शांति रक्षा अभियान समाप्त करने दा फैसला कीता ऐ। इस अभियान च तकरीबन इक जहार भारतीय सैनिक तैनात न। लेबनान सोआ संयुक्त राष्ट्र अंतरिम सेना दंऊ बरे च हटाने लेई कल सुरक्षा परिषद च मतदान होआ। शांति रक्षक दक्खनी लेबनान च हिजबुल्ला पर Israel दे हमले दे चलदे शांति बनाई रखने च लेबनानी सेना दी सहायता करा रदे न। Lebanon च संयुक्त राष्ट्र अंतरिम बल तैनाती दा 47 बरे पुराना अधिदेश इस हफ्ते समाप्त होना हा। इसी 2026 दे अखीरै तोड़ी बधाने दा फैसला कीता गेदा हा। अधिदेश दा अखीरला बरा शांति रक्षा अभियान गी सुरक्षित ते बवस्थित ढंगै नै बंद करने च लाया जाना ऐ। मौजूदा समय च Lebanon च कुल 10 जहार 8 सौ शांति रक्षक तैनात न। इन्दे चा 903 भारतीय शांति रक्षक न।

<><><><><><>

Football

भूटान दे Thimphu च SAFF Under -17 महिला फुटबाल टूर्नामेंट च कल भारत नै नेपाल गी 5-सिफर कन्नै हराइयै प्रतियोगिता दा खिताब पक्का करी लैता ऐ। इस जित कन्नै भारत 5 मैचें च 15 अंक हासल करियै शीर्ष पर पुज्जी गेदा ऐ। अखीरले मैच च कल भारत दा सामना बांगलादेश कन्नै होग। भारत नै प्रतियोगिता च हूने तगर सब्बै मैच जिते न।

<><><><><><>

Badminton

पेरिस च Badminton World Federation Championship च सात्विक साईराज रंकी रेड्डी ते Chirag Shetty दी भारतीय जोड़ी सैमीफाईनल च पुज्जी गई ऐ। अज्ज सैमीफाईनल च उन्दा मुकाबला चीन दे ली यिउ ते बो यांग चेन दी जोड़ी कन्नै होग। कल Quarterfinal च सात्विक ते चिराग नै मलेशिया दे Aaron Chia ते वुई यिक सो गी 21-12, 21-19 कन्नै हराया हा। इस जित कन्नै प्रतियोगिता च भारत लेई इक तगमा पक्का होई गया ऐ।

<><><><><><>